

梁

園

風

雅

梁園風雅目錄

劉嵩陽

樂府

五首

五言古詩

三十二首

五言律詩

九首

五言排律

三首

七言律詩

二十首

七言排律

二首

五言絕句

五首

七言絕句

九首

梁園風雅卷十七

雍丘趙彥復徵生選

東郡汪元范明生校

劉嵩陽

樂府

元會曲

青陽初協律紫極儼垂衣木德舞彤陛雲曲奏金  
扉新鸞別殿轉玄燕上林飛的皪含花萼霏微帶  
雪暉丹殿傳龍節青丘轉鳳旂八風調玉鼎萬歲  
御昌輝

鳳臺曲

清夢通華館仙音徹絳霄乘風人不見一片彩雲飄

折楊柳

笛裏聲初歇歌中怨未收陌頭楊柳色莫遣入高樓  
花飄朔雪綴葉暗塞煙浮一枝何處寄搖落亂  
春愁

大隄曲

淥水繞大隄隄上花紛紛相期不相見愁望陽臺  
雲君非遊冶兒妾非倡家女黃鵠洲前分終作雲

邊侶

綠水曲

杏雨紅初散楊煙綠半消日上金妝麗風迴繡帶  
飄含情聽燕語泣淚惜花嬌流璫波影裏明月蕩  
輕橈

五言古詩

感述

四首

天苑散雲羅俊羽呈一目但恐鵷與鸞高翔常  
盡良裘集羣腋夏屋匪單木周公歎已衰漢相亦  
難復巧匠班拙工奇士守常祿不見白駒賢長鳴

逝空谷

流黃映華月秋階動涼颼織婦當機泣蟋蟀鳴且  
悲中使自北來鼓枻如風馳中原百役起野草多  
變衰峽江罄巨材天府竭珍貲國乏十年備當軸  
憂在茲

日出上東門照見夸毗子丹轂耀玉羈賓從如流  
水短舞醉狹斜長歌淹北里鐵意碎珊瑚內盤送  
危匝黃金盈私櫝白骨徧荒壘蝮螫烜朝隲蜉蝣  
忘暮死

明星夜有爛起坐空長歎媧皇鍊五色豈慮工程

難精衛填巨海可憐摧薄翰采采驕榮子氣象誰  
能干當面不交語一言那結歡惜哉際昌景英緒  
空漫漫

咸陽橋懷古

步上咸陽橋悠悠渭河水亂石清波中破板白沙  
草蒿渚應七星修岸通千里長樂已煨燼茂陵亦  
荒蕪閣道象天漢侈麗悲淫圖金梁斷煙徑玉柱  
委榛區紫宮照鳥鼠蕭條白雲孤枯楊聊駐馬寒  
流咽啼鳥總轡磻谿曲問俗過東門飛熊與牽犬  
芳臭伊何言

華嶽篇贈王翰林懷野

鬱鬱紫嶽峰巖巖仙人掌金鎖懸丹梯世人爭攀  
仰信邁慰中好關河非遠道投駕抵華陰騁望紆  
幽抱金峰披翠霞玉井吐光氛樹帶蛟龍氣巖低  
鴻鴈羣奮策登天阻振衣凌風馭玉鯉裊青絲丹  
蓮憶金肅引索薄層霄翻飛盪塵慮

曉發終南

終南亦何有白雲多英英層峰亘西來巍然臨咸  
京中有太一洞窈窕清籟生鬱鬱古柏竦關關春  
鳥鳴紅泉石乳溜金竈丹光縈經年鮮人跡翠竇



懸空青我欲往從之坎壈不能行緇塵滿周道躅  
躅傷我情那能奮飛去修然學長生

舒侍御得謫西歸

干南一世才弱齡屬修望撫時發長噓奮舌欲宣  
暢兩曜開靈景三正裁時亮魏甄應難施吳鉤虛  
怒仗連雞走鳳羣驂牛偕騏亢達人識治運詎能  
動中况具彼英賢資志完道焉喪乖余不偶時訐  
想激高唱戢華守堅白翻飛爲子悵玄精照狂中  
感念託淵諒契侶重披離明時資引倡

川南雜詩

二首

九華春色曉三殿御煙浮霓旌飄五鳳雪戟擁千  
牛鳴珂過豹尾搖筆轉螭頭詞賦甘泉奏羽獵上  
林遊揖遜齊諸公趨蹌先列侯玉節傳荊國銅符  
下渝洲蓬根自無定含情悵別流

春江漾漣漪紅綵涵夕霞綠蘋逗翠葉紫蔓揚丹  
華弱蘭搖微風流馨飄輕沙沙深沒人足中林且  
停車王睢灼錦綺雙雙行啄花遊子去故國豈不  
懷室家空勞光飛魂搖搖斷天涯

璨璨花

陽嶺冒春色陰巖干奇葩一種不辨名輕盈映苔

華折來細把翫柔芬如蘭芽借問行路人云是璨  
璨花結實比玄飴含蕊炫丹砂握中轉嬌麗泣下  
成咨嗟可憐瓊瑰種多少混泥沙繁枝雜密葉鬬  
豔王侯家

### 感懷

梁苑盛繁麗結交傾名才眦睚論世務吞吐黃河  
迴彈劔燕趙間長歌響清哀豪俠三河集慷慨五  
都來攀花醉鄴館折柳度叢臺歌向漸離和懷爲  
田光開逸氣排周灌文翰驅鄒枚平陵飛鵬翼狹  
斜馳龍媒迷途旣已遠單性終難裁中年解玄理

莫與時相乖

秋日餞劉節推領漢州牧

置酒臨長川，張樂憑高樓。  
丹峰緝雲日，樹木清以幽。  
倚蓋望龍華，漢江繞東流。  
矯管和巴曲，悲瑟激齊謳。  
華車歷修坂，逸駟駭輕輶。  
罷此歡宴會，須臾成繁愁。  
徘徊岐路間，停轡戀匹儔。  
睠彼同官情，義分金石投。  
采采芙蓉花，芳豔難久留。  
異鄉別契洽，安能不懷憂。  
金風被江草，陽鴈鳴中洲。  
衷腸所可訴，氣結不能周。  
攬衣陟高岡，從子將西遊。  
仰觀雲氣澹，俯聽江聲浮。  
解劔欲相贈，徘徊聊唱酬。  
咨乃

新民牧去去勿夷猶暮節難重持久要須終求亮  
哉懷門閥詎肯慙交游

贈素菴張先生

玉樹留仙禽華池泣芙蓉物類各有託性質天所  
殊皎皎修姱士離垢耽清居俶載河濱田棲遲山  
陽廬觀化得無名窺象識太初俯祕玉女論跼受  
黃公書守旃諒已堅悲絲意何迂餐露浥圓只醉  
月翫方諸雲去山心澹冰消水意舒梅軒契周史  
蓮社結長沮無瑕齊內外不淄一毀譽晚探岐伯  
術芝桂引年餘洪崖屢參顧安期相吹噓愿余契

芳潔抱經玄已除望氣識太隱匏繫空躊躇

春日居玄湖築舍并理樹藝

二首

槐綬榮世載蟬纓耀重輝清德鮮厚遺况值中葉  
微嗟余奮薄羽臨風忽乖違披榛理前緒返廬得  
所歸鑿渠廣舊陂結牖開新扉力薄丹腹少規漏  
構架稀清耳鶯傳曲燦目花成圍榮途杳相隔誓  
與青霞依

架竹學虹橋疊石似閭丘凌旦水煙薄亭午花竹  
幽中有一草閣雜樹雲陰稠微風動前渚潛響蘭  
蓂流持坐理冥思寂歷無所求玄溜常在目皓髮

何須愁

二月中於玄湖田課耕 三首

曰冀勤隴畝元亮理常業  
緬茲曠達人俱自操  
畚鍤老妻烹豆黍  
穉子或爲饁  
飛燕銜浦泥  
游鱣喋洲葉  
赤立與枵腹  
胡能將歲月  
矧茲三辰開  
青龍按東節  
城柳拂長絲  
山杏迴紅頰  
萬機欣向燠  
嘉苗思將浹  
帶星呼亞旅  
俶載向阡陌  
桑林鳴曉鷄  
爽然精神豁

海霞蒸朝旭  
溪煙蔽桑榆  
布穀鳴前邨  
秉耒聊啓塗  
刈草飼牛飽  
炊黍啖耕夫  
土解落英散  
犁深苗

根疏壟風澹人情林霧飄還虛偶耽田家樂漸與  
市交疎清陰挾書策常得古人俱遙謝徐孺子芳  
軌疇能驅

播穀在東菑嘉苗疏且立甘澤零及時穿塍亂流  
滄喜有二仲來濁酒對蓑笠黃鸝柳外鳴白鷗常  
飛集

春日酬陳東阜陳豫南同見訪玄湖別業  
疏池帶城曲結宇構林篠荆扉聊卑棲樊籠借舒  
嘯忽聯德星輝巾駕共歌笑乘茲舞雩興薄言賞  
高抱載酒攜豔姬流音發要妙盤桓欣暫憩徒倚



恣遐眺蘭葉飄羽觴竹皮映簪帽牽枝黃鳥飛披  
藻芳魚躍憶昔同朝籍金紱列華耀方思崐閬遊  
服色殊常調未營紫河車且撥玄湖棹高懷無世  
情悠悠契所好

春夜同郡守馬公泛舟

容與賞心適湛澹湖波停已倒城臺影復含花樹  
暝歌響遙振葉權轉暗分萍遠漸全和曲宿霧半  
成屏流觴如亂羽醉言傾醪醕雙旌繞城曲六馬  
駐雲旂疎薄亦何告妹子還留馨吹笙想浮丘鼓  
瑟憶湘靈劉琨欲嘯月馬期思戴星絳燈夾岸去

迴照孤鶴汀

月夜登樓詠懷

河漢披高樓徘徊聊四望美人守春閨惜此明月  
光狂夫去交河如彼參與商自矜龍額貴豈念孤  
鳳翔春風隔亭障殺氣迷沙場鴈書竟無還關路  
阻且長蘭膏委曉沐羅襦掩空牀月朗星逾澹風  
高雲乍揚非無金罍酒醉言試仙方良會難再得  
虛景謝容芳

春日園亭讀書

疏園籍春華幽構鮮人跡開函覽羣經晴戶照丹

冊孤懷夢亦頻雅景氣乃適棲神古人編無令自  
消魄執戟閣上苗中郎座間惜豈若短籬中徜徉  
任朝夕媿無竹箭聲欲接蘭陵席非聖不敢陳雜  
子聊披擇未云博典墳舌強庶免謫

雨後理園蔬

曲圃度靈雨蔬甲含新光輕煙散芳畦暄景流荒  
牆芟草覃腰鎌致種懸佳囊插籬鄰雞去潤膏土  
蟲傷諸葛芥可斲周顥韭未長葵似輞川徑芹比  
青泥坊未采盈檐綠已想和羹香煎葉堪漱齒含  
芬聊濯腸誰云野薺好終無家蔬常幸免抱甕拙

細履曳雲涼

歌行

陽春歌

蘭陵繡戶照輕紗  
銅池綠水散流霞  
鳳皇樓外度仙家  
丹殿光搖寶樹花  
寶樹花風飄揚橫  
汾燕鎬慶韶光  
風歌雲曲轉洞房  
靈卉含輝霑雨露  
西連若木東扶桑

春遊篇

洛陽公子惜芳春  
綠水香霞照玉人  
繡帶雙分金縷細  
青驄半繫障泥新  
繡帶青驄過漢水  
桃花隔

面歌聲起翠妝拂袖水雲中玉管調簧花霧裏綵  
慢爭飛百尺樓香簪轉礙三條市三市歌舞歡何  
極二八妖姬去無力自矜仙妃醒睡魂翻笑海棠  
少顏色海棠顏色豔方開却訝西施帶酒回寶瑟  
銀箏淹下杜探鈎六博醉章臺章臺客散日將暮  
藤橋別引武陵路彩燕偏迴蹴鞠場嬌鶯故轉鞦  
韆樹蹴鞠鞦韆映晚煙攀花折柳度韶年人生適  
意春應在豈必宜春平樂前

美人燈下奪紅箋

吳宮鸞楮啜猩血豹髓然花流絳雪班娘十五春

情切雙雙競向芸函揭步搖翡翠斷流蘇朱櫻笑  
破聲嬌咽夜闌春冷繡屏圍凌風彩燕雲裳劈五  
絲繫命心欲折莫教一段香霞裂沈郎三月春信  
疎陽臺路遠芳魂絕流塵掩鏡奩空結寶釧泠泠  
紅袖曳彤管輕搦無箇說鉛華暗滴湘波寒無限  
愁腸剪秋葉

豔歌行

翠楣流日映香鞵綺閣雕雲錯象筵縷金細纈九  
華帳雜繡斜鋪七采氍綠羽分黃開厯淺明璫含  
豔綴珠鮮步出璇閨還自息手揭簾鈎半藏匿沉

花弄影撲蛾輝編香濯髮盤鴉色嬌盼澄澄淨水  
華微津馥馥熏蟬翼金鳳穿樓曳彩梯玉燕銜花  
墜紫泥欲攀秦女空中去怕遣仙郎魂自迷仙郎  
出入披香殿飛轡乘驄人共羨雞舌噴煙近御林  
螭頭弭節分宮扇勅賜龍盤繡螯弧雙鞬血鵲金  
僕姑建章楊柳無全葉長樂金鞍有的盧頭上貂  
蟬仍世胄腰間寶玦垂花綬銅山借寵誰鑄錢玉  
榻承恩親割袖碧桃花發覆井闌暮暮朝朝作合  
歡駕鵞寶帶爲君解鵲絃錦瑟爲君彈滄海桑田  
隨變改願騎雙鳳彩雲端

從軍行

秋草滿地代馬嘶海霜凍天胡鴈迷龍庭月冷流  
殘角雞鹿雲蒸暗鼓鼙白日關前鴉鵲集黃昏道  
傍兒女啼將軍函犀出燕甸俠少投纓去鄉縣受  
脰先過細柳營弭貂思擁葡萄宴烽火西連胡塵  
起別有單于渡遼水七校爭傳舉百營五官盡道  
開千里燕領雄才滄海濱龍媒戰騎空山裏仰天  
歎息淚橫流彎弧直欲射旄頭悲歌易水雲垂地  
長嘯胡天月滿樓井陘獻計已不合齊門叩角誰  
見收老上繫組心未已骨都覺鼓願須酬彈鋏歸



來氣欲振登壇誰繫黃金印邯鄲城中老廉頗淮  
陰市上輕韓信十載王門笑曳裾三杯拔劔目躊  
躇水邊玄甲耀日景掌上龍文衝斗墟長揖幕府  
託燕將願借聊城一箭書

瀘江別趙舉人小洲

秋旻辰漢白雲消秋江濤水紫楓飄琴中奏曲清  
還怨陌上行人歌且謠月華流影度中峰桑葉隨  
人落上宮將詒芍藥花難就欲賦游龍調未終歡  
極乍悲黃鵠散情多莫作白頭歎連鑣未解凌風  
臺把袂重登却月觀的的流螢點曲池嘹嘹別鶴

嘯羈雌淒雨侵朝分北葉寒風一夜轉南枝桂館  
停雲識已晚蘭舟隱浪去忽遠嵐氣霏微獨駕歸  
波光明滅空筵卷祥鸞欲自覆棠陰孤鳳誰憐在  
棘林離懷難盡蜀山澹交思無言巴水深芳芝已  
醉同居味早梅願託後來心

秋夜荊州同年友王郎中攜酒乘月泛舟  
渺渺滄江萬里澄浮雲盡斂太微清水瀉寒流天  
一色星連白露夜無聲寒流白露交相映湘蘭沅  
沚開天鏡三峽泠泠濤浪遙五溪森森氛埃淨竹  
影交侵潭月移花香不斷浦風吹江光山色相吞

薄春去秋來空寂寞春透金堤綠草淒秋涵錦水  
丹楓落洞庭霜冷玄鴈歸渚蘭汀芷任芳菲曉沉  
孤嶺留殘月  
寒潮送落暉錦纜牙檣去無已  
王孫棹入煙波裏玉簫吹徹玻璃宮輕搖歌扇香  
風起年少詞驚丹鳳林碧水常澆錦繡襟濯纓自  
聽滄浪曲擎杯時對芳洲吟濁世喧喧俱可嗟何  
如江上臨丹霞朝發清笳折楊柳暮橫龍笛落梅  
花更聽靈妃揮寶瑟還逢神女贈瑤華欲看天上  
支機石歲向明河一泛槎

長歌贈張壚山

張君十世著才名橫筆風煙動錦城二十射策明  
光殿天子稱辭似馬卿憶昔江州識君面絳脣綠  
鬚欣相見關門老吏歎終童金閨學士迎王粲慙  
余衰薄悲秋風羨君文藻爭春豔輶軒遙度碧雞  
山清政曾留白馬縣只今重義酬相知千里修阻  
意不辭銀章華繡照顏色把臂宛似初逢時泰山  
卑兮意氣高伊周事業歸誰曹我今灌酒日欲醉  
世上萬事如鴻毛白玉塞黃金闕丈夫聲名須早  
發心緒千層巫峽波相思一片峨眉月

梁園風雅卷十七

梁園風雅卷十八

劉嵩陽

五言律詩

曉入左掖

九華初唱曉鳴珮入雲宮漏轉千門月鐘飄五夜  
風飛旌清漢上交戟紫虛中聖主憐詞賦誰當一  
薦雄

天壇候駕

霜鐘傳紫禁緹騎繞嚴城樹拂星河靜花連炬火  
明霓旌迎鶴駕月羽候鸞行夾道千官擁精裡協

聖情

沙河行宮

金隄蒼靄動複道玉華連殿敞從雲住臺高借日  
懸勝岐臨鳳嶺象洛引龍川花鳥忻宸賞含輝待  
御筵

紅門晚眺西山蘭若寄翠禪師

丹梯拂玉繩驚嶺俯峻嶒月色連三殿嵐光度五  
陵花壇應說法竹院已然燈何日天台路閒尋出  
世僧

觀許八丈射獵

曉天霜氣斂獵騎縱山圍碧漢風鷹急黃沙月兔  
肥雕弓花外滿玉勒草頭飛向暮歸程遠旌旗映  
落暉

武功縣酬康對山

杖策武亭下蹉跎二十春西來亦何幸猶見謫仙  
人酒載黃山郭車迎漆水濱丈夫感知已轉覺意  
相親

夜宿瓦雲驛

蕭蕭煙柳晚車馬入山闌驛舍寒燒燭征衣夜拂  
塵竹風疏弄葉松月近窺人白髮高堂遠連宵入

夢頻

曉發鄧州望太和峰

新月分林影微星落野津穰城千里舊戍角五更  
頻慢卷山前霧旌搖陌上塵依依傍巖谷遙見武  
溪春

月夜舟中聽燕道士彈琴

花月逢仙侶停舟鼓太和飄飄綠水曲蕩漾白雲  
歌卓女何情極田文空淚多一彈能洗耳何必頻  
陽波

五言排律



贈同年孫季泉學士

東璧司文盛南郊獻賦嘉辭弘原博典學古出名  
家皇覽搜三輔羣書富五車綠承宮佩草紅奪殿  
袍霞香合芸臺霧清除玉案瑕珥貂傳七葉寒鳳  
擘三花談行情俱失孫龍辨自差曠懷窮惠子恢  
論屈田巴雛鳳聯丹宇神駒奮渥洼絲綸紹世美  
麟閣擅清華

冬夜西安魏太守招飲薦福寺十二韻

綵燈耀南陌花騎轉東林清籟開持性疎鐘動覺  
心化城連塞障香閣倚城陰池接昆明近窗窺繡

嶺臨洞門穿水曲欄櫬入雲深雪界龍宮冷霜空  
雁墪侵月來金鏡朗星落火珠沉祭子投壺醉劉  
郎擊鉢吟玄風悟證果惠露滌凡襟綠酒流慈潤  
清歌雜梵音四禪安寂歷五夜淨蕭森忽念波斯  
偈神僧何處尋

草茵

結縷龍堤上分鬚鳳沼邊金刀裁上下玉尺畫方  
圓白露溥柔葉微風偃秀妍無絲還勝錦不麝自  
飄煙縫合鴛鴦侶光瑩翡翠連暖如七寶帳軟似  
八蠶絲不是憐佳賞相逢又隔年

七言律詩

早朝贈蜀中李舍人

絳闕龍光燭太清  
玉階仗馬繡雲縈  
煙花萬井連星館  
羽衛千廬繞禁城  
雞樹影含香霧合  
鳳池波晃月華迎  
仙郎託諫兼高唱  
文藻爭傳似馬卿

省中餞王給事使平涼兼觀省蜀中

分曹喜接紫微東  
諫獵封章誰與同  
雞舌近含雙闕下  
鳳音遙出五雲中  
崆峒花發迎新節  
劒閣鶯啼指故宮  
明主只今方側席  
莫將衮服戀春風

春日早朝值雪

端笏晨趨鵷鷺行仙風吹雪迓青陽西山集霰搖  
天仗東觀飄花裊御香色奪苑梅爭鬪白寒侵宮  
柳怯舒黃侍臣共仰龍顏悅曙館抽毫詠歲康

贈驍將白爵

旗入寒雲繞絳霞功名三十建高牙結交勇士多  
分賞恨滅匈奴不問家共指紅袍翻虎穴獨騎白  
馬出龍沙射鵬幾度鳴鉦後邊月昏黃玉嶺斜

初秋錢都諫童宮諭張司業諸公倡和走  
筆訊之

薦文有客賦長楊錦帙還宜祕苑藏月殿三花傳

玉蕊星宮五色報雲章芙蓉水綈澄江影薜荔風  
飄粉署香共荷聖朝無闕事相將染翰沐恩光

塞上

二首

漢家節使向金微五路軍書日夜飛白羽朱纓徵  
上將火旗雲馬急重圍風高弦響驕胡騁月暗營  
空死士稀誰挽金戈還耀景凌霄峰外振皇威  
昏黃塵色暗雲中都護軍前戰壘空魚鳥未銷青  
海箭豺狼盡引黑山戎驕兵嘯月當抽刃上將宣  
威未掛弓馬永憤傷梁鎮死飛狐壇樹泣秋風

漢江晚渡

岸夾樓臺花霧暝近看沙燕撲蘭汀連朝雨氣飛  
雲夢一片春波下洞庭湘竹堪憐煙杳杳江籬不  
見草青青鳳歌人去扁舟遠漢水多情風自停

渝州送別駕周子東擢工部員外郎

清華官屬大司空入掌輿圖職事崇黃綬新添香  
署吏赤符舊有素絲風柳煙隨馬青門外花露沾  
衣御苑中誰道風流何水部恩波已滿蜀江東

中江道中偶寓華藏寺

香閣何年結翠岑浮生暫得此追尋飄飄祇樹千  
花散寂歷寒空孤磬音山鳥下階窺淨業竺僧留

偈說冥心溪邊莫訝喧羣鹿候吏催行近竹林

重慶演武殿呈夏兵憲

森森羽騎漢軍營今日巴江已洗兵  
劒閣雲光搖綵幕雪山寒氣上危旌  
桓伊笛裏關河遠庾亮樓中風月清  
上將由來稱不戰談經時得引諸生

琵琶

截得龍門一段桐響含清角與仙通  
鳳頭軸轉分三象龍腹絃調應八風  
怨比湘靈添寂歷和如綠綺覺空憊  
誰家樓上吹羌笛愁聽那堪明月中

催胡甥汝觀赴宣府兵憲

白豹關前鐵騎迎看君今日事橫行傳聞烽火通  
三輔莫遣軍書出五營寒角曉吹邊月暗霜旌夜  
拂海星明早將塞上風煙淨北望雲鴻報楚城

鴈

搖曳高空一羽輕年年何事向南征雲邊結陣經  
秦塞海上銜書度漢京風雨一聲客魂斷關山幾  
處月華明上林矰繳須應避萬里常懸江漢情

種竹

新移修竹長琅玕曲檻周防早晚看疎葉含風猶  
帶綠南枝映水不驚寒煙深暗養龍吟調醉後偏



宜鵲尾冠殘雪半消明月上幾回閒步詠幽蘭

春日詠懷

三首

春日曾看漢苑花長安自古盛繁華九重日月懸  
天府百二山河繞帝家共道蔡侯來上谷誰憐賈  
傳客長沙孤城此日高臺望烏轉花飛空自嗟  
涼州二月紫泥傳正是嫖姚出漢年玉塞雲橫愁  
轉餉金河月冷斷鳴弦健兒戰骨黃沙裏突騎摧  
鋒青海邊聞道飛書不論賞將軍灑淚度祁連  
蘆溝河畔暗塵氛疊鼓鳴笳禁裏聞北口烽煙通  
朔氣山中戌甲亂胡羣關門空鎖漁陽月戰騎誰

驅狐塞雲安定城頭雙砲在揮戈尚憶石將軍

絳紗籠白牡丹

隋家花藥未知名直到開元入上京  
帳外香魂疑度影檻邊素質似含情  
紅綃偏映瓊華色彩暈遙添雪月明  
分付今年蠶蝶道不須來往苦經營

麗人

秦姬小字杜蘭香春豔妝成照杏梁  
笑點山櫻初摘絳嬋含翠羽半分黃  
飛裾怕看蠶腰折轉扇驚聞鳳曲長  
指下慵彈碧玉調眼前不見侍中郎

七言排律

春日遊張莊壽安寺

浮葉神功事杳冥。逃禪靜業未難成。自疑胡蝶原  
非夢。却與沙蟲苦細爭。乍覩飛輪塵世隔。不須談  
偈慧心生。兩巢海鶴留人話。一樹山梅款客情。曲  
水遙連熊耳秀。飛霞常控馬鞍明。絳蓮吐豔搖沙  
界。青火含光照化城。空鏡能通陰瘴曉。疎鐘先報  
夜峰晴。杯涵紫筍香偏細。塵拂寒松風自清。洗鉢  
池中諸水淨。彈琴圖上萬山鳴。老僧日暮還相送。  
直到溪邊不問名。

秋日燕劉中丞池亭泛舟

遙山合浦繞華堂澹葉寒莎映綵航三徑煙蘿含  
暮景一川霜菊媚秋光旌旗未度青溪曲簫鼓先  
傳紫嶼旁觸轉松風迴玉勒約開蓮霧盞牙樯石  
當蔭竹垂雲影樹拂蓂花滴露香忽覩鑿渠歸藥  
圃乍覩雕磴透芒房峰霞入酒深相感瀑水沾衣  
濕不妨薜荔爭鮮牽舞袖芙蓉故放送流觴白鷗  
驚去依新侶立鴈飛來續舊行染翰臨池逢逸少  
裁詩紀勝有應瑒堤邊藉草全蘭采林內攀枝半  
桂芳訟府經時真潦倒習池取醉暫徊翔

五言絕句

都門送別

燕山橫壯氣，易水動歌聲。  
送子金臺下，愁看白玉

珂

曉出潼關

四海已銷兵，曉關險亦平。  
征人車馬出，不聽曉雞鳴。

秋夜登重慶澄清樓

排樹含雲態，搖江動月華。  
不堪楓葉落，秋思黯三巴。

午睡

逸志看秋鶴雄心拂劒花翻翻俱蝶夢何必翫南華

賞花送客遊江南

喧笑攀花會悲歌悵別期明年賞花處只恐動春思

七言絕句

省中酬李都諫東岡

洞戶清輝柳色新泥書朝捧下星辰省中染翰花生筆池上鳴珂玉作人

訪李吏部中麓不遇

春風幾度客京華每遇尋君不在家  
日暮垂鞭獨歸去宜春苑裏見梅花

趙總兵卿見收

搏兔鷹睛勇冠軍金鉗隨鴈沒寒雲  
可憐白髮馮唐老誰爲飛書叩帝閭

邛山

常笑田文哭雍門不知生死是朝昏  
黃泉到處英雄骨只歎邛山幾種墳

輓唐荆川

二首

文章年少魁三禮仗鉞今時淨五戎  
未施奇策傳

玄兔空抱精誠貫白虹

欲從帳內應非熊羞向山中作臥龍身世漫隨胡  
蝶夢功名不上景陽鐘

郊外

風前拉客看山藥雨後分僮護海棠却笑野人無  
箇事四時風雨爲花忙

晚觀海棠

胭脂鬬豔映斜陽含笑分明試晚妝繡幕正憐妃  
子醉綠窗暗度返魂香

舟中獨舞



河陽勝事似淮南仙妾凌虛作合歡上客不須催  
晚櫂試看水鏡照青鸞

梁園風雅卷十八

梁園風雅目錄

張周田

五言古詩

十首

七言古詩

十一首

五言律詩

六十八首

七言律詩

五十二首

五言排律

九首

七言排律

三首

五言絕句

六首

七言絕句

五十六首

梁園風雅卷十九

雍丘趙

東郡汪元范明生校

張周田

五言古詩

河上寺

古刹臨峭岸下有千尺淵  
開門見波濤洪汝左右  
盤火雲垂到地片雨掛前川  
飄風自南來爽氣灑  
衰顏慧日俄回照雙虹動我前  
乃知炎蒸地別有  
清涼山顧瞻諸天裏蒼茫一龍還

將赴姑蘇訪王元美

驅車東門道遙望姑蘇臺浮雲蔽金陵江流日夜  
哀冰霜被四野木落鴻鴈來迢迢三千里中心愴  
以摧我豈不懷居畏此崦嵫催顧瞻戀丘墓江皋  
雙崔嵬九原不可作白日難重輝念茲情剝裂欲  
行復徘徊

經故下蔡城

丘墟已自悲况復值仲冬斷岸與敗壘烈烈吹朔  
風初日浮嚴霜陸離生白虹寒光周遭射恍惚若  
行空市朝不可辨隴畝分西東肅肅雲中雁青青

陵上松宿昔繁華地今爲荊棘叢野水縱橫流古  
木嘯猿猱何代無反復氣運有始終咄嗟路傍兒  
裘馬自言雄

夜赴中丞趙良弼約

驅馬出城門光景何超忽崦嵫在輪蹄白日俄已  
沒初昏歸翼齊久雨流塵歇淒惻草根蟲晶熒枝  
上月木落見汝海天際搖一髮悲風自北來四顧  
秋聲發豈不懷晏息念此生離別千里愁生駕信  
宿王猷雪剡溪餘反樅陳留有遺轍夜久星河沈  
于役心惓惓

自靜寧抵秦州雪夜山行三百餘里因賦

二首

自我度涇原迤邐經旬雪晦朔安可知夜夜垂明  
月暮抵隴干城稍見玄雲裂日脚下平地晶光四  
相射還顧望崆峒宛與崑丘別汲甕快居人裘馬  
爽征客酌酒就燈燭從茲萬里適朔風鳴枯枝中  
夜星河沒流霰扣虛窗飛霰點絕壁負嵎豺虎驕  
能不驚心骨陰陽造化權向來何超忽

寒冬十二月積雪成山丘氣凝敵濁醪威宣失重  
裘胡不一室臥而乃萬里游念彼河湟士負糧戍

洮州洮雲日夜黃隴水東西流枵腹而僵立何以  
操戈矛功成歸主將千騎居上頭築城秦無策和  
親漢貽羞名王今歎塞小醜何足憂寄語霍驃姚  
開邊非良謀

答湛然上人

二首

納節入玉關曰余知止足置身一壑中敢云天下  
谷眷然江上峰飛來自天竺獨向五嶽外靈秀蟠  
坤軸

誰將清涼境種此菩提樹枝葉披琅玕細縕沃甘  
露有鳥名鷲鷲一步一回顧文彩與秀色炯炯開

覺路

冬至

四運無停留萬物有終始晷景逐星移斗柄分方  
指冥冥夜向辰朗朗天開子七曜會牽牛光彩何  
靡靡急吹結流澌久晴深霞綺羲和馭靈烏咫尺  
迫濛汜天且弗能達人何以堪此時過亦云悲陽  
生紛何喜一線漢宮長六管葭灰起登臺望雲物  
四座俱繁祉郊原欲吐青枯槁漸回紫如何鬢髮  
白永絕回鬢理舉觴謝春風痛飲真吾事

飲梅樹下



皚皚山上雪盈盈園中梅以此開爛熳映彼積崔  
嵬流光一以接天地劃生輝萬卉僵欲拆爾獨盛  
芳菲乃知冰霜中陽春無停機矯矯倜儻士組綬  
焉足縻同塵貽世譏直道乃禍胎所以黃鵠舉甘  
爲燕雀嗤

七言古詩

憶昔行寄元美

憶昔中丞罷推轂燕市悲歌和擊筑功大條侯反  
見收數奇李廣寧辭辱扣關轉蓬天帝怒從此南  
雲首歸路慘淡蛾眉去桂宮浮沈鷄肋還瓜步十

年高臥虎丘峰落魄人間萬事慵說劒天爲垂紫  
氣投珠江與出驪龍歲暮披裘竿屨擲何意徵書  
來相逼客星遙傍帝座明黍谷俄驚王春及生也  
願甘首陽餓再疏不報疇能那朝廷已敘伏波功  
海內爭起安石臥鼓吹秋風滿薜蘿度刀如水夕  
陽多啼鳥夜繞將軍壘驅鷁晨凌太史河開府漳  
流隨帶瀉羽林千騎叢臺下帳外常山八陣圖懷  
中趙璧連城價左輔頻年勤虜塵甘泉烽火接東  
秦單于鳴鏑飛狐口使者登壇白馬津只今致身  
提一旅會須滅胡酬明主韋氏兩朝見玄成楊家

四世稱德祖思君楓老鴈行疎罷官錯莫黃金魚  
野人倚杖三鴉路公子褰帷五鹿墟三鴉五鹿千  
餘里君且脫穎子洗耳屈即尺蠖伸即龍諒爲烈  
士當如此

放歌爲元美作

二首

草木搖落夜雨霜朔氣吹塵天驟黃飛龍乖隔愁  
河梁白榆歷歷回干將芙蓉斷碎秋池塘雄飛不  
顧雌鴛鴦誰張天弓射天狼肌肉消盡敝鷁鷁男  
兒那得鬪身強太行險隘盤羊腸與子阻絕各一  
方縱有魂夢來他鄉百年旦暮苦路長道傍有花

金爲裳誰其樹者陶柴桑我欲采之薦君觴不辭  
金貂典杜康躊躇四顧轉悲涼白日西匿無精光  
王生削跡五陵豪家難摧眉隱蓬蒿道逢張生呼  
奇士片語相投解綈袍胡姬壓酒珊瑚色左手持  
杯右持螯吳鉤陸離天爲高松聲萬壑回秋濤肅  
肅霜空分羽翮傷心淚隕萇弘碧咫尺無由接衣  
襟况從千古論肝膈北風吹天天欲圻白日不照  
陵陽壁潞河帆影杳無迹爲借西江一日潮鷄鳴  
會汝長安陌

秉器自潯陽紆三百里而遙訪我於蔡汎

舟登樓三日而別爲賦長歌以送之

憶昔夢君時君正在湓浦瀑布縈掛匡廬顛白日  
盤空響雷雨六傳如雲馬如風一夕飛度弋陽東  
劒佩雄雌干北斗鹵簿襍沓搖長虹河清難俟生  
能幾相逢那與尋常齒令尹望氣九十日太史占  
星五百里是時三月板楔過汎舟彷彿臨銀河一  
名花然夜雨雙雙紫燕掠新波擊楫正爾乘輕  
浪酒酣復倚高樓望汝海淮海吞吐生太室少室  
崢嶸上此地重添使君灘羞殺山陰興易闡命駕  
寧孤鷄黍約開尊且盡布衣驪長繩難繫羲和足

殘陽漸匿西海曲踟躕岐路立紫騮俯仰乾坤歌  
黃鵠君不見汲孺矯矯當天閭內史治行真絕倫  
淮南振落漢卿相社稷臣乃屬積薪又不見秋風  
夜度松江口季鷹託之尊鱸走區區身後千載名  
何如生前一杯酒結交在心不在迹豈必班荆聯  
床然後稱莫逆心苟不相知刎頸終何益鍾鼎山  
林通爲一巢許夔龍各取適抗旌行矣暮天碧

爲張生題趙子昂畫菜

誰種嘉蔬繞我堂梢蒨青蔥照棟梁須臾絹素發  
練光吳興筆力敵穹蒼大者扶疎琅玕樹小者姍

娜翡翠羽便欲采擷嬌盤餐山蕨湖蓴焉足數老  
圃對之長歎息錯認當年手所植甲坼非開抱甕  
功華滋盡比東芻色忽憶籬落栽培汝西風憔悴  
同荆杞寂寞灌園於陵子爭似陽春常駐此根葉  
不隨天運徙雪片如席徒爲爾

酬南海歐楨伯

歲星落天走天北酣歌忽傍金門側片璧能當十  
五城隻身却掩三千色論交時上黃金臺浮雲化  
作駿馬來南海明珠臨夜動郢中白雪並春裁自  
謂千秋長如此一朝投杼辭天子賈傅生遭鵬鳥

欺禍衡罪合鸚鵡死薄譴幸承明主恩秋風一騎  
燕丹村上書不救秦庭哭投賦難招楚客魂貧賤  
交情如反掌醉尉公然縛李廣故人厚祿斷鴻魚  
落日深山愁魍魎使者乘驄下石渠袖中爲出歐  
生書風雨冥冥來大漠虹蜺宛宛繞前除憶爾徒  
步走燕國芟荷爲衣薇爲食劒術羞從勾踐遊玄  
經乍許桓譚識生平彩筆一何驕如驅羅浮來重  
霄易水澄爲炎海色金莖秀出銅柱標漫向張騫  
問北斗浮名浪迹吾何有鄉心挂在仲宣樓世事  
付之河朔酒還生此札邊風號千崖萬壑回秋濤



落木飛鴻亂野月羣星錯落少微高

河上追餞劉玄子

二首

浮雲如榻澠如酒當筵意氣白虹走何爲不飲空  
騷首袖中靈藥長三花賦裏春風回五柳

單車匹馬千山秋一尊酒盡心煩憂岐亭黃鳥悲  
相求寶刀不斷長淮水錦字遙裁明月樓

乾甫爲馬墜傷其右肱戲爲長句

白玉之鞭黃金勒沃若龍種大宛國投筆朝騰兔  
苑東從軍夕秣狼山北曾隨博望窮禹甸崑崙祁  
連眼中見返照陸離青海驄浮雲游颺吳門練自

憐男兒好身手綠駟紫騮吾何有憑將斗劒試虹  
飛可怕霜蹄逐日走短衣雙鞬寒騷屑酒酣馳騁  
正飄瞥原隰何意化嶮巖驚駘無端生蹉噉駭突  
驟爾學人立顛蹶周防非所及章臺聊掩便面遊  
泛駕寧因名香襲變起肘腋脫羈勒紫韁寸折如  
斷霓跌宕吾同一葉飄權奇爾豈五花敵是日重  
陽風怒號淮汝涌沸揚洪濤翻思李廣南獵虎不  
廢畢卓左持螯君不見庾翼鼓行輕秦楚安陵墮  
地色無忤又不見杜甫隻字驚霹靂迸落瞿塘八  
千尺百年那盡快意時英雄坎坷信有之且對黃

花飲美酒休管青霜上鬢絲霍然病已杖擲空走  
覓騏驎問塞翁翁曰詎知不爲禍叔子折臂位三  
公

觀漲

三春亢旱日杲杲芳郊紅翠成枯槁無人不詠雲  
漢詩有地皆切桑林禱如何刈麥始登場一雨十  
日難禁當嵩山破碎霹靂下汝海簸蕩蛟龍翔觸  
簷凌牖哀湍瀉飛電流光交相射蒼涼朱夏似深  
秋冥濛白晝如長夜朝朝暮暮巫山來散絲翻盆  
轉壯哉釜中游魚吹波浪堂上產蛙翳莓苔水面

宋王忠文公集卷十九  
恍惚集川后桐柏胎簪一培塿蕭蕭雉堞繫樓船  
渺渺菰蒲懸楊柳桑田滄海在須臾向來雨暘民  
何辜吾憑八翼叩清都爲君喚取三足烏嗟爾義  
和胡爲乎

濮公山送秉器歸豫章

濮公山下清淮流驪歌一曲增離憂即今戎虜生  
郊野中丞帆掛五湖秋太原治師何訓整鴈門飛  
狐罷烽警拊髀方深楓陛思病肺其奈文園請便  
脫紫衣付酒壚旋買扁舟汎五湖投珠那能辭按  
劍工瑟寧肯濫吹竽昨日花開競紅紫今日零落

隨泥滓眼前富貴亦如此長嘯歸臥玉笥山依舊  
豫章一男子

梁園風雅卷十九